



# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1707**

Q. 164. Quale ergo statui possit pretium rei necdum præsentis.

**urn:nbn:de:hbz:466:1-42561**

» &c., quibus incumbit solvere magnatum debita,  
 » uni potius solvere quam alteri, (nisi quis  
 » forte jus praे aliis habeat, ut vid. supra de ordinis  
 » restit.) sed teneri omnibus solvere pro rata, Bon.  
 » l. c. V. Trul. d. 10. n. 3.

## ADDENDA.

928 Q. 162. *Quid notandum sit circa doctrinam huius articuli.* R. Quæ Busenbaum habet resolut. 8. de contractu revenditionis, intelligenda sunt secundum dicta hic à n. 902. & dicenda n. 991. Quæ habet resolut. 13. de vendente rem alienam, intellige secundum dicta p. 1. n. 1641. Quæ habet resolut. 14. de sartoribus, intellige secundum ibidem dicta n. 1044. Pro reliquis melius explicandis jam addemus aliqua.

929 Q. 163. *An venditio debeat esse de re & pretio determinato.* R. Affirmative, hinc venditio rei determinata, aut rei determinata, sed factum est pretio indeterminato, est invalida, ut si dicas, vendo tibi rem aliquam, vendo tibi hoc vinum justo pretio, quanti volueris &c. Ratio est, quia in his casibus non potest resultare obligatio tradendi rem vel premium, quorum utrumque in se est semper aliquid determinatum, ita Lugo in resp. mor. I. 6. d. 18. Spor. t. 6. c. 5. n. 7., Valeret tamen, si dices, emo à te hunc equum, quantu emisti, quanti in his nundinis vendentur similes equi; item, emo hac pecunia, quanta est in meo marsupio &c. quia hic à parte rei adest certum & determinatum premium.

930 Q. 164. *Quid circa rerum pretia sit notandum.* R. Seqq. §. 1. Premium, est pecunia, quæ pro mercede datur: hinc autem inventionem pecuniae

ROR

non siebat emptio aut venditio, quia deerat pretium, sed tantum siebant permutationes rerum per contractus innominatos, uti, do, ut des; do vim, ut des pannum &c.

§. 2. Pretium, aliud est legitimum, quod publicâ lege vel voluntate Superioris taxatur; aliud naturale seu vulgare, quod constituitur ex consensu partium secundum materiam mercis spe-ctatam secundum esse usuale & estimationem hominum. Pretium legitimum consistit in indi-visibili, & ex justitia observari debet sub onerē restitutionis; definit tamen obligare taxa, si ab initio sit, vel mutatis circumstantiis fiat injusta, sive infra fines justi pretii, *Fls. t. 4. d. 2. n. 399:* cum communi: aut si res tuæ sint notabiliter meliores, quam quæ communiter in foro venduntur; aut si Superior permittat vendi extra taxam, quamvis unum vel alterum puniat, volens experiri, an retineatur taxa, *Fagund. Tambur. Spor. supr. s. 1.* Potest autem emptor emere infra taxam, si hæc in ejus favorem sit posita, quia nemo obligatur uti tali favore: Econtrà peccat, v. g. Ianio, si meliores carnes vendat supra taxam, ossa verò & viliora carnium, secundum taxam, tenetur enim æqualiter partiri carnes, cum proportione partium meliorum & viliorum.

§. 3. Pretium vulgare est, summum, medi- 932  
um, infimum, v. g. si medium pretium sint de-  
cem, infimum erunt octo cum dimidio, sum-  
mum verò undecim cum dimidio, & ita de aliis,  
servatâ proportione, semper tamen minuendo,  
ut putat *Mol.*, v. g. si pretium medium sint 100,  
infimum debent esse 95., summum 105: Notat  
tamen *Spor. n. 26.* pro hoc tempore id dici scru-  
pulose,

pulosè, ideoque putat standum esse judicio prudendum, secundùm circumstantias fori & communem sensum negotiatorum.

**933** §. 4. *Premium vulgare sāpe mutatur, prout est copia vel penuria tum mercium tum emptorum, non potest tamen particularis aliquis ideo augere premium mercis, quia ipse circa illam passus est infortunium, nam res tanti valet, quanti per se aestimatur communiter, non quanti tibi per infortunium vel imprudentiam valuit. Quòd si infortunium commune multis mercatoribus induceret penuriam mercium, jam augeri posset premium, etiam pro eo, qui infortunium non esset passus. Deinde cùm premium vulgare pendeat ex aestimatione hominum, res pluri vendi potest apud celebrem artificem, quia nobilitas artificis celebrat artefactum, supponitur enim esse nobilius.*

**934** §. 5. *Non licet augere premium mercis, ex eo quòd videoas emptorem valde indigere illā, aut erga illam affici, quia indigentia illa vel affectus non est res vendentis nec merci intrinseca, sed est res ementis, ergo ob illam iniquum est plus exigere.*

**935** §. 6. *Merces extra officinam ultro oblatzemi possunt minoris, uti curi communi *Caj. Lop. Less. Lug. Dian.* & alii apud Moy. t. 1. t. 6. d. 6. q. ult. n. 8.; imò secundùm *Rebell.* & alios vilesunt usque ad dimidium, signum enim est, quòd sit vel paucitas emptorum, vel modica mercis necessitas, aut exigua utilitas. Similiter quæ sub hasta venduntur, admittunt premium, quod sine fraude extorqueri potest, hinc vendi possunt vel emi pretio parvo aut magno, etiam infra vel supra dimi-*

dimidium pretii, quo emeres in officina, nam ita  
usus præscripsit, Mol. Bonac. Laym.

§. 7. In alia venditione vel emptione supra 936  
vel infra justum pretium, quamvis excessus vel  
defectus non attingat dimidium justi pretii, si  
tamen non sit intra illius fines, sit injuria, & est  
in conscientia obligatio restituendi, est commu-  
nis & certa cum *Lugo* d. 20. n. 168. *Spor.* n. 27.  
*Sylvio* in resolut. Cas. p. 1. V. *Contractus*, & quam-  
vis aliqui Juristæ dixerint licitam esse venditio-  
nem, dummodo non fiat supra dimidium justi  
pretii, hos tamen rectè confutant *S. Th.* 2. 2.  
q. 77. a. 1. in O. & ad 1. *Leff.* 1. 2. c. 21. n. 21. alii-  
que communiter. Quod si sit læsio ultra dimi-  
dium, etiam in foro externo sæpe datur actio  
contra lædentem, ut vel rescindatur contractus,  
vel reducatur ad æqualitatem, ut pluribus ex-  
pli cat *Castrop.* d. 5. p. 17. Vide *Fls. t. 4. d. 2. à n. 419.*

§. 8. Si supra justum pretium vendidisti Cajo, 937  
qui ut se servaret indemnem, eodem pretio in-  
justo revendidit Titio, teneris non Cajo sed Ti-  
tio restituere, quia hic solus passus est damnum,  
*Sanch. Lug. Tambur. Spor.* n. 29. contra *Bardi*, cu-  
jus probabilem sententiam sequendo, si Cajo  
restituisses, *Tambur.* & *Spor.* dicunt te satisfecisse,  
quia sic Cajum magis obligasses & reddidisses  
potentem ad restituendum Titio.

§. 9. Si emptor sciat pretium mercis mox no-  
tabiliter augendum, emere potest pretio nunc 938  
currente multo minore; item, si sciat mercem  
aliquam vel monetam prohibendam, potest  
mercem vendere vel exponere monetam secun-  
dum æstimationem præsentem, quia hoc est ju-  
stum pretium aut valor publicus pro nunc, ne-

que alicui nocere debet privata notitia, quam  
re aliqua per accidens habet. *Dico*, privata, na-  
omnes cum *Lugo* d. 26. n. 140. docent Magistri  
tus ipsos, qui pretia rerum mutant, vel talia ven-  
di aut exponi prohibent, non excusari, si studio  
faciant, vel exspectent, v. g. donec ipsi omnia su-  
vendiderint aut exposuerint, nam ex suo officio  
tenentur impedire damna communia, & facere  
ut ex suis legibus, quantum fieri potest, unus no-  
gravetur plus altero; recte tamen addit *Lugo* po-  
se eos non aliter ac alios bonâ fide distrahere su-  
non obstante tali notitiâ, quando in eadem qua-  
titate, seclusâ illâ notitiâ, distracturi fuissent:  
consentiant alii cum *fls.* t. 4. d. 2. n. 403.

**239** §. 10. Si Quæstor mandatum accipiat à Principe, ut statim 1000. mensuras vendat pretio cur-  
renti, v. g. singulas aureo, si sciat pretium rei  
gendum intra mensum ad 2. etiam vel 3. aureis  
in singulas mensuras, licet facit mittendo Prin-  
cipi 1000. aureos, volendo sibi rem emere cum  
ejus periculo & spe istius lucri post mensum, ita  
*Spor.* n. 34., & ratio est, quia habebat jus emen-  
di non aliter atque aliis.

**240** Q. 165. Quale ergo statui possit pretium reim-  
dum presentis. R. Statui potest, vel qualere ipsa  
erit, quando res existet, & tradetur, vel qualis  
probabiliter putatur futurum, vel si haberi non  
possit probabilitas futuri pretii, quale omnibus  
pensatis arbitrio prudentum videtur justum:  
Notat autem *S. Thom.* opusc. 73. c. 10. non esse  
vitium minoris emere, v. g. segetes crescentes,  
quam valiturse sunt maturæ, quia res imperfecta  
seu ecdum apta ad usum, est minoris valoris,  
cum ad usum needum serviat: quod si eam ita  
imper-